

खबरां:-

1. प्रधानमंत्री नरेंद्र मोदी होरें येरूशलम च इस्राइल दे अपने हमरूतबा बेन्यामिन नेतन्याहू हुंदे कन्नै डैलीगेशन स्तरै दी गल्लबात कीती ऐ। इस दरान कईयें समझौतें पर दस्तखत कीते गेन।
2. प्रधानमंत्री मोदी होर इंस्टाग्राम पर 10 करोड़ फॉलोअर्स दा आंकड़ा पार करी लैने आहले दुनिया दे पैहले लीडर बनी गेन।
3. सूचना ते प्रसारण मंत्री अश्विनी वैश्वव होरें आखेआ ऐ जे व्यक्ति कोला इजाजत लैते बगैर कृत्रिम सामग्री दा निर्माण नेई कीता जाना चाहिदा।
4. चुनाव कमीशन नै 10एं राज्यें च 37 राज्यसभा सीटें पर होने आहले चुनावं लेई अधिसूचना जारी करी दिती ऐ।
5. छत्तीसगढ़ दे बीजापुर च सुरक्षाबलें कन्नै होए दे इक टाकरे च दो माओवादी मारे गे न।
6. भारत नै जिनेवा च लग्गे दे संयुक्त राष्ट्र मनुक्खी अधिकार कौंसल दे इक इजलास दरान पाकिस्तान दे झूठे प्रचार दा करारा जवाब दिता ऐ। जम्मू-कश्मीर दे विकास दे भलेआं उलट पाकिस्तान दी आर्थिक समस्याएं गी उजागर कीता ऐ।
7. आई.सी.सी टी-20 क्रिकेट विश्व कप दे सुपर एट मुकाबले च एल्लै चेन्नई च भारत ते जिम्बाब्वे बश्कार मैच खेडेआ जा करदा ऐ।

PM-Delegation

प्रधानमंत्री नरेंद्र मोदी होरें येरूशलम च इस्राइल दे अपने हमरूतबा बेन्यामिन नेतन्याहू हुंदे कन्नै डैलीगेशन स्तरै दी गल्लबात कीती ऐ। इस दरान साइंस ते टेक्नॉलॉजी, नमीं काहडें, रक्षा ते सुरक्षा, बपार ते निवेश ते लोकें-लोकें बश्कार सरबंधें समेत आपसी हितें दे बक्ख-बक्ख मुद्दें पर गल्लगात होई। गल्लबात च कई समझौते होने दी बी मेद ऐ। प्रधानमंत्री नरेंद्र मोदी होरें इस्राइल दे अपने दो रोजा दौरें दे दुए ध्याड़े येरूशलम दे यद वसहीम दा दौरा लाया। प्रधानमंत्री मोदी होरें कल ऐतिहासिक तौरा पर पैहली बारी दी संसद च भाशण दिता। इयां करने आहले ओहू पैहले भारती प्रधानमंत्री बनी गेन। अपने भाशण च उनें आखेआ जे हर कुतै

दा आतंकवाद अमन-शांति लेई खतरा ऐ। उनें आतंकवाद कन्नै निब्बड़ने दा भारत दा धेइया पक्का कीता।



PM Instagram Followers

प्रधानमंत्री नरेंद्र मोदी होरें इंस्टाग्राम पर 10 करोड़ फालोअर्स दा ऐतिहासिक आंकड़ा पार करी लैता ऐ। एहदे कन्नै ओहू इस मंच पर एहू उपलब्धि हासल करने आहले दुनिया दे पैहले लीडर ते राजनेता बनी गेन। प्रधानमंत्री मोदी होर 2014 बरे च इंस्टाग्राम कन्नै जुड़े हे। इंस्टाग्राम पर उंदे फालोअर्स दी गिनतरी अमरीकी राष्ट्रपति डोनल्ड ट्रम्प हुंदे कोला दुगनी कोला बी मती ऐ। अमरीकी राष्ट्रपति ट्रम्प होर 4 करोड़ 32 लख फालोअर्स कन्नै दुए नम्बर पर न। भारती लीडरें च श्री मोदी होर बड़े मते अगगे न। भारत च इस मंच पर दुई थाहर पर उत्तर प्रदेश दे मुखमंत्री योगी आदित्यनाथ होर न जिंदे तकरीबन 1 करोड़ 60 लख फालोअर्स न।



HM-Bihar Visit

केंद्री गृह मंत्री अमित शाह होर अज्ज बिहार दे त्रै दिनें दे दौरे पर गए। अररिया च इस रैली गी संबोधित करदे होई शाह होरें आखेआ जे मोदी सरकार भारत दी धरती परा हर इक घुसपैठिए गी नठाने आस्तै प्रतिबद्ध ऐ। उनें आखेआ जे घुसपैठिएं थमां आजादी छड़ी मतदाता सूचिएं थमां उंदा नांउ हटाने पर नेई मिलोग, सगुआं देश च गैर कनूनी घुसपैठ गी खत्म करने आस्तै इक विस्तृत मुहिम शुरू करने दी लोड़ ऐ।



Gadkari Road Safety

शिड़क ट्रांसपोर्ट ते जरनैली शिड़कें सरबंधी केंद्री मंत्री नितिन गडकरी होरें आखेआ ऐ जे शिड़क सुरक्षा मुल्लवै लेई महत्वै आहला विशे ऐ। उनें भारत च शिड़क हादसें दी गिनतरी च बाद्दा होने पर चैंता प्रगट कीती। अज्ज नमीं दिल्ली च शिड़क सुरक्षा बारै लग्गे दे इक राष्ट्री सम्मेलन च भाशण दिंदे होई गडकरी होरें आखेआ जे भारत च हर बरे तकरीबन 5 लख शिड़क हादसे होआ करदे न जेदे करी 1 लख 80 ज्हार दे कोलकच्छ लोकें दी मौत होई ऐ। बांगलादेश च नेशनल सिटिजन पार्टी एन.सी.पी नै राष्ट्रपति मोहम्मद शहाबुद्दीन हुंदे पर महाभियोग चलाने ते उंदी गिरफ्तारी दी मंग कीती ऐ। पार्टी नै दोष लाया ऐ जे शहाबुद्दीन होरें 2024 च जुलाई म्हीने होए दे दंगे दरान कोई कार्रवाई नेई कीती। कल ढाका च पिलखाना हत्याकांड दे पीड़ितें दी कन्नै पर जाने मगरा पत्रकारें कन्नै गल्लबात करदे होई

एन.सी.पी संयोजक नाहिद इस्लाम होरें इलजाम लाया जे राष्ट्रपति होरें 24 जुलाई दी हत्याएं दरान राज्य दे संरक्षक दे तौर पर अपनी जिम्मेवारी नेई नभाई। इस हिंसा च 24एं जनें दी मौत होई गई ही।

<><><><><><>

Tributes-Savarkar

प्रधानमंत्री नरेंद्र मोदी, गृहमंत्री अमित शाह ते रक्षा मंत्री राजनाथ सिंह होरें अज्ज महान क्रांतिकारी स्वतंत्रता सेनानी वीर सावरकर हुंदी पुण्यतीथि पर उनेंगी श्रद्धांजलि दिती ऐ। प्रधानमंत्री होरें इक सोशल मीडिया पोस्ट च आखेआ जे वीर सावरकर होरें अपना जीवन मुलखै गी गुलामी दी बेड़ियें सवां मुक्त कराने लेई समर्पित करी दित्ता। उनें आखेआ जे स्वतंत्रता सेनानियें दा व्यक्तित्व ते उंदी उपलब्धियां हर पीढी गी राष्ट्र दी सेवा करने लेई प्रेरित करदी रौहडन।

<><><><><><>

Vaishnav Synthetic Content

सूचना ते प्रसारण मंत्री अश्विनी वैश्वणव होरें आखेआ ऐ जे कृत्रिम सामग्री दा निर्माण उस व्यक्ति दी सहमति दे बगैर नेई कीता जाना चाहिदा जेदा चेहरा, अवाज जां व्यक्तित्व सामग्री बनाने च इस्तेमाल कीता गेआ होवे। उनें एहू गल्ल अज्ज नमीं दिल्ली च इक सम्मेलन दरान आखी। श्री वैश्वणव होरें आखेआ जे सोशल मीडिया प्लेटफार्म गी अपने आसेआ दस्ती जाने आहली सामग्री दी जिम्मेदारी लैनी चाहिदी। उनें आखेआ जे नागरिकें ते बच्चें दी आनलाइन सुरक्षा प्लेटफार्म दी जिम्मेदारी ऐ।

<><><><><><>

RS-Biennial Polls

चुनांs आयोग नै 37 राज्यसभा सीटें आस्तै 10 राज्यें च द्विवार्षिक चुनाएं दी अधिसूचना जारी कीती ऐ। नामांकन अज्ज कोला लेइयै 5 मार्च तोड़ी भरे जाई सकदे न। वोट अगले म्हीने दी 16 तरीक गी पोंगन। महाराष्ट्र च 7, तमिलनाडू च 6, बिहार ते पच्छिम बंगाल च 5-5, ओडिशा च 4, असम च 3, तेलंगाना, छत्तीसगढ़ ते हरियाणा च 2-2 ते हिमाचल प्रदेश च 1 सीट आस्ते चुना होने न।

<><><><><><>

Moaists Killed

छत्तीसगढ़ च बीजापुर जिले च सुरक्षाबलें कन्नै टाकरे च दो माओवादी मारे गए। त्रै रफलां, दुए थेआर ते गोला-बरूद टाकरे आहली थाह्हा थमां बरामद कीता गेआ ऐ। डीएसपी जितेंद्र यादव होरें आखेआ जे सुरक्षाबलें दे इक दल नै बीजापुर दे इंद्रावती नहर दे कश थाह्हा च माओवादिएं दे होने दी सूह पर तपाशी अभियान चलाया। इस आप्रेशन दरान माओवादी सुरक्षाबलें दी टीम कन्नै भिड़ी गए ते गोलियां चलानियां शुरू करी दित्तियां। जवाबी कार्रवाई च सुरक्षाबलें दो माओवादिएं गी मारी मकाया।



SC-Ban NCERT Book

सुप्रीम कोर्ट नै जमात 8मीं दी एन.सी.ई.आर.टी किताब पर पूरा प्रतिबंद लाई दित्ता ऐ जेदे च नयापालिका च भ्रष्टाचार बारै इक ध्याय शामिल ऐ। कोर्ट नै इस किताब दे सारी प्रतिएं गी जब्त करने दे आदेश दित्ते न ते एह्दे कन्नो-कन्नो डिजिटल फार्म गी बी रोक दी दित्ता गेआ ऐ। सुप्रीम कोर्ट नै केंद्र ते राज्य प्रशासन गी हिदायतें दी तुरत पालमा करने दे आदेश दित्ते न ते एह्दी पालमा नेई करने पर गंभीर कार्रवाई दी चेतावनी दित्ती ऐ। कोर्ट नै एन.सी.ई.आर.टी निदेशक, स्कूली शिक्षा सचिव गी कारण दस्सो नोटिस जारी कीता ऐ जे ओहू ब्यौरा देन जे जिम्मेदार लोकें खलाफ कार्रवाई की नेई कीती जाई सकदी।



Vaishnav Railway Reform

केंद्री रेल मंत्री होरें 2 नमें सुधारें दी घोशणा कीती जेडे के भारती रेल दे 52एं हफ्तें च 52 सुधार आह्दने दे धेइए दा हिस्सा न। राश्ट्री राजधानी च इक प्रेस वार्ता गी संबोधित करदे होई वैशणव होरें त्रीए सुधार रेल टेक नीति गी शामिल कीता। इस सुधार दा मकसद रेलवे च बड्डे स्तर पर तकनीक गी अपनाना ऐ। उनें आखेआ जे भारती रेल दा मकसद नमें उद्यमिएं, उद्योगें ते संस्थानें दी सेवां लैना ऐ तां जे रेलवे च नवीनता दा बाह्हा होऐ।



VP-KU Convocation

उपराश्ट्रपति सी.पी राधाकृष्णन होरें भारत दे उपराश्ट्रपति दे तौर पर केंद्र शासत प्रदेश जम्मू-कश्मीर दे अपने पैहले-पैहले दौरें दरान अज्ज श्रीनगर च कश्मीर युनिवर्सिटी दे 21में दीक्षांत समारोह दी शोभा बधाई। ग्रैजुएट होआ करदे विद्यार्थिं गी मुबारकबाद दिंदे होई उपराश्ट्रपति होरें आखेआ जे युनिवर्सिटीं गी मुख तौरा पर ढांचागत ते शैक्षणिक उत्कृष्टता लेई जानेआ जंदा ऐ पर उं'दी असल विरासत उं'दे विद्यार्थिं दे चरित्र ते जोगदानें थमां प्रदर्शित होंदी ऐ। श्री राधाकृष्णन होरें 1948 च स्थापित कीती गेदी कश्मीर युनिवर्सिटी दी ओहदी गौरवशाली विरासत ते लगातार बधदी अकैडमिक पैहलकदमिं लेई सराहना कीती।



LG KU Convocation

लेफ्टिनेंट गवर्नर मनोज सिन्हा होरें अज्ज आखेआ ऐ जे राश्ट्र निर्माण नौजवान पीढी दी सभनें शा बड्डी प्राथमिकता होनी लोडचदी ऐ कीजे नौजोआन पीढी तदुं गै तरक्की करग जिसले देश मजबूत होग। अज्ज श्रीनगर च कश्मीर युनिवर्सिटी दे 21में दीक्षांत समारोह गी संबोधित करदे होई एल.जी सिन्हा होरें आखेआ जे उं'नेंगी एहू दिक्खियै बडी खुशी होआ करदी ऐ जे युनिवर्सिटी थमां सम्मान हासल करने आलें च महिला विद्यार्थिं दी गिनतरी मती ऐ। एल.जी होरें विद्यार्थिं गी आखेआ जे देश गै उं'दी पैहली प्राथमिकता होनी लोडचदी ऐ। उं'नें आखेआ जे विद्यार्थिं गी सदा एहू चेत्ता रखना लोडचदा ऐ जिसले ओहू राश्ट्र दा निर्माण करडन तां राश्ट्र बी वापस उं'दा निर्माण करग। श्री सिन्हा होरें आखेआ जे शिक्षा कोई खास अधिकार नेई ऐ, सगुआं बदलाव दा इक ताकतवर जरिया ऐ।



India-Rebuttal UNHRS

भारत नै जिनेवा च लग्गे दे संयुक्त राश्ट्र मनुक्खी अधिकारी कौंसल दे 61में इजलास च पाकिस्तान गी करार जवाब दित्ता ऐ। 23 फरवरी थमां 31 मार्च तोड्डी चलने आहले इस इजलास च भारत नै पाकिस्तान पर झूठा प्रचार फलाने दा आरोप लाया ऐ ते आखेआ ऐ जे जम्मू-कश्मीर दा विकास पाकिस्तान दी आर्थिक समस्याएं कोला भलेआं उलट ऐ। कल लग्गे दे उच्च स्तरीय इजलास दरान भारत दी प्रतिनिधि अनुपमा सिंह होरें पाकिस्तान ते इस्लामिक सहयोग संगठन आसेआ लाए गेदे इलजाम गी खारिज करने लेई राश्ट्र दे जवाब देने दे अधिकार दी बरतून कीती। उं'नें आखेआ जे भारत इनें आरोपें गी खारिज करदा ऐ ते पाकिस्तान दा निरंतर झूठा प्रचार ईर्ष्या कन्नै भरोचे दा ऐ।

Bangladesh NCP

बांग्लादेश च नेशनल सिटिजन पार्टी नै राष्ट्रपति मोहम्मद शहाबुद्दीन हुंदे पर महाभियोग चलाने ते उंदी गिरफ्तारी दी मंग कीती ऐ। पार्टी नै दोष लाया ऐ जे शहाबुद्दीन होरें 2024 च जुलाई म्हीने होए दे दंगें दरान कोई कार्रवाई नेई कीती। कल ढाका च पिलखाना हत्याकांड दे पीड़ितें दी कब्रें पर जाने मगरा पत्रकारें कन्नै गल्लबात करदे होई एन.सी.पी संयोजक नाहिद इस्लाम होरें इलजाम लाया जे राष्ट्रपति होरें 24 जुलाई दी हत्याएं दरान राज्य दे संरक्षक दे तौर पर अपनी जिम्मेवारी नेई नभाई।

<><><><><><>

JKP Snow Leopard

जम्मू-कश्मीर पुलस नै नमें बनाए गेदे स्नो लैपर्ड दस्ते दी सेवाएं गी शुरू कीता। एहू दस्ता खासतौर पर प्हाड़ें ते बर्फू कन्नै ढक्के दे इलाकें च सुरक्षा गी मजबूत करने ते आतंकवाद रोधी कारवाइयां करने आस्तै तैयार कीता गेआ ऐ। आकाशवाणी जम्मू संवाददाता नै जानकारी दिती ऐ जे इस दस्ते गी पैहली बारी गुलमर्ग च खेलो इंडिया विंटर गेम्स च तैनात कीता जा'रदा ऐ जित्थे खडारिएं, अधिकारिएं ते पर्यटकें दी सुरक्षा एहू दस्ता 14 ज्हार फीट उच्चि थाहें पर करोग। स्नो लैपर्ड दस्ता उच्चे प्हाड़ी इलाकें च आतंकवाद सरंबधी खतरें कन्नै निब्बड़ने आस्तै तैयार कीता गेआ ऐ। इस इकाई च जम्मू-कश्मीर पुलस दे एस.ओ.जी दे मते सारे कर्मिएं गी शामिल कीता गेआ ऐ।

<><><><><><>

T-20 W.C

आई.सी.सी मर्दे दी टी-20 क्रिकेट विश्व दे सुपर एट ग्रुप इक च एल्लै चेन्नई दे एम.ए स्टेडियम च भारत ते जिम्बाबे बश्कार मैच खेडेआ जा करदा ऐ। एहू मैच संज्ञा 7 बजे शुरू होआ हा। मेजबान भारत गी अज्ज दा मैच ते कन्नै ऐतवारें वेस्ट इंडीज कन्नै होने आह्ला मैच पक्क गै जित्तना होग तां गै सेमीफाइनल दी मेद कीती जाई सकदी ऐ। कल ग्रुप दो दे सुपर एट मुकाबले च न्यूजीलैंड नै श्रीलंका गी 8एं विकटें कन्नै हराई दित्ता हा।

<><><><><><>